

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 46. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 148. sjednici, održanoj dana 31.03.2022. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za podsticanje proljetne sjetve za 2022. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu, ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“

I.

Usvaja se Program utroška sredstava Budžeta za podsticanje proljetne sjetve za 2022. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), ekonomski kod 614400, NAD 402, pozicija "Subvencije za podsticaj razvoja u poljoprivrednoj proizvodnji“, u iznosu od 350.000,00 KM (slovima: tristotinepedeset hiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona za 2022. godinu u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/22
Datum, 31.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

PROGRAM

*utroška sredstava Budžeta Zeničko-dobojskog kantona
za podsticanje proljetne sjetve za 2022. godinu*

Zenica, mart 2022. godine

PROGRAM
utroška sredstava Budžeta Zeničko-dobojskog kantona
za podsticanje proljetne sjetve za 2022. godinu

Opći podaci o Programu

1. Program je usvojen: Na 148. sjednici Vlade Zeničko-dobojskog kantona održanoj dana 31.03.2022. godine.
2. Period realizacije Programa: Proljeće 2022. godina
3. Ukupna vrijednost Programa: 350.000,00 KM
4. Namjena Programa: Podrška poljoprivrednim proizvođačima u organizaciji intenzivnije proljetne sjetve koja će doprinijeti održivost i povećanju poljoprivredne proizvodnje
5. Korisnici Programa: Poljoprivredni proizvođači - fizička lica, zadruge, obrti, pravni subjekti
6. Izvor sredstava: Budžet Zeničko-dobojskog kantona za 2022. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2022. godinu ("Službene novine Zeničko-dobojskog kantona", broj: 1/22)
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Mirsad Hadžić, ministar

I- UVOD

Vlada Federacije Bosne i Hercegovine na 305. tematskoj sjednici održanoj dana 28.02.2022. godine, usvojila je Zaključak V. broj: 272/2022 od 28.02.2022. godine kojim je usvojena Informacija Federalnog Ministarstva poljoprivrede, vodoprivrede i šumarstva sa prijedlogom mjera kao i da su pozvana s nadležna tijela i svi nivoi vlasti u Federaciji Bosne i Hercegovine, da u skladu sa predloženim mjerama i svojim nadležnostima poduzmu potrebne aktivnosti na realizaciji proljetne sjetve u 2022. godini.

Imajući u vidu da je u Budžetu Zeničko-dobojskog kantona za 2022. godinu za podsticanje poljoprivredne proizvodnje opredjeljen iznos od 3.500.000,00 KM, a da je Vlada Federacije zadužila nadležna tijela radi teške ekonomske situacije da poduzme aktivnosti i daju potporu poljoprivrednim proizvođačima za proljetnu sjetvu, Ministarstvo za poljoprivredu, šumarstvo i vodoprivredu sa budžetske pozicije „Subvencije za podsticaj razvoja u poljoprivrednoj proizvodnji“, ekonomski 614400, NAD 402 izdvojilo je sredstva u iznosu od 350.000,00 KM za predmetnu namjenu.

U izradi Programa za 2022. godinu korišteni su sljedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona za period 2021.- 2027. godina,
- Kontinuitet poticajnih mjera,
- Analize realizacije podrški u proteklom periodu,
- Preporuka stručnih naučnih institucija iz sektora,
- Sinhronizacija sa federalnim podrškama.

II - CILJEVI I SVRHA PROGRAMA

1. CILJEVI PROGRAMA

Cilj ovog Programa je podsticanje proljetne sjetve u 2022 godini. Programom će se podsticati poljoprivredna proizvodnja koja je realizovana i ostvarena u 2021. godini, sa obavezom da korisnici sredstava iz ovog Programa ažuriraju obradive površine do propisanog roka a na kojoj će biti zasnovana poljoprivredna proizvodnja u tekućoj godini.

U ovom Programu realizovat će se prioritetne mjere novčanih podrški po modelu poticaja proizvodnji koje trebaju doprinijeti ispunjavanju sljedećih ciljeva:

- a. Uvezivanje primarnih poljoprivrednih proizvođača sa prerađivačima/otkupljivačima u Zeničko-dobojskom kantonu.
- b. Povećanje otkupa poljoprivrednih proizvoda sa područja Zeničko-dobojskog kantona.
- c. Očuvanje stočnog fonda.
- d. Povećanje obima korištenja poljoprivrednog zemljišta s ciljem povećanja obima poljoprivredne proizvodnje i obezbjeđenje dovoljnih količina povrća, krmnog bilja i žitarica za vlastito gazdinstvo i za tržište.
- e. Povećan nivo korištenja ukupno raspoloživih resursa za poljoprivrednu proizvodnju.
- f. Osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača.

2. SVRHA PROGRAMA

Svrha ovog Programa je dodatno podsticati poljoprivrednu proizvodnju i djelomično olakšati ekonomsku situaciju poljoprivrednim proizvođačima koji se odluče za proljetnu sjetvu.

Mjere podrške u poljoprivredi iz Budžeta Zeničko-dobojskog kantona za 2022. godinu usmjerene su na:

A/ Podsticanju proljetne sjetve poljoprivrednim proizvođačima koji su realizovali i ostvarili podršku za poljoprivrednu proizvodnju u 2021. godini i ažurirali obradive površine do propisanog roka a na kojoj će biti zasnovana poljoprivredna proizvodnja u tekućoj godini.

B/ Rezerva

III - KRITERIJI ZA RASPODJELU SREDSTAVA

Odobrena finansijska sredstva iz Budžeta Zeničko-dobojskog kantona za 2022. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će korisnicima iz ovog Programa prema općim kriterijima:

Pravo na ostvarivanje podrški stiču:

- korisnici koji su ostvarili podršku za poljoprivrednu proizvodnju u 2021. godini
- korisnici koji su zasnovali primarnu poljoprivrednu proizvodnju u 2022. godini,
- korisnici koji su upisani u registar klijenata/gazdinstva na području Zeničko-dobojskog kantona
- korisnici koji obavljaju poljoprivrednu proizvodnju na području Zeničko-dobojskog kantona,
- korisnici koji pored općih kriterija ispunjavaju i posebno kriterije propisane Uputstvom o podsticanju proljetnu sjetve za 2022. godini (u daljem tekstu: Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona.

Tabela 1. Raspodjela sredstava podsticanja proljetne sjetve za 2022.godinu

	Naziv podrške	Procjena iznosa potrebnih sredstava u (KM)
1.	A/ Podsticanje proljetne sjetve poljoprivrednim proizvođačima koji su realizovali i ostvarili podršku za poljoprivrednu proizvodnju u 2021. godini i ažurirali obradive površine do propisanog roka a na kojoj će biti zasnovana poljoprivredna proizvodnja u tekućoj godini.	332.500,00
2.	B/ Rezerva	17.500,00
UKUPNO:		350.000,00

Napomena: Tabela definiše procjenu potrebnih sredstava u KM i projekciju mogućeg utroška sredstava, tako da će ovisno o obračunatoj površini obrađenog poljoprivrednog zemljišta biti moguće prelijevanje sredstava iz jedne stavke u drugu.

IV- NAČIN OSTVARIVANJA PODRŠKE

Podršku ostvaruju korisnici koji ispunjavaju opće uslove propisane ovim Programom i posebne uslove propisane Uputstvom, kojim će se utvrditi postupak, potrebna dokumentacija i drugi relevantni podaci.

V- IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 utvrđen iznos od 3.500.000,00 KM, od kojih će se za realizaciju ovog Programa utrošiti dio iznosa od 350.000,00 KM.

Utvrđeni iznos realizovaće se u skladu sa prilikom sredstava u Budžetu, a na bazi mjesečnih operativnih planova.

VI- KORISNICI SREDSTAVA

Korisnici sredstava su fizička lica, obrti i pravna lica koja ispunjavaju propisane opće i posebne kriterije iz ovog Programa i Uputstva (Poljoprivredni proizvođači - fizička lica, zadruge, obrti, pravni subjekti).

Broj: 02-_____/22
Datum, 31.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.